



Siunissami Issittumi Inuusuttut Ingerlalluarnissaat Patajaatsuunissaallu

Arctic Youth Futures Workshop

Peqataasut pillugit allakkkiat

Lemet Mihkkal Hætta

Brandar Heðinsson

Naja Theresia Høegh

Sturla Jónsson

Mikajosefin Jonsson Gehrke

Skye Kaquatosh

Justin Langan

Martine Lødding

Taniesha Moses

Agnes Nilsson Svakko

Alayna Ningeongan

Parahini Parabaran

Vincent Rankila

Leilani Nikita Dawn

Qujaffigiumasat

Workshoppertitsinermik aaqqissuussisut aningaasaliissuteqartut qamannga pisumik ajunngisaarlutik tapiissuteqarnerannut qujaffigiumavaat, Canadap naalakkersuisuiniit, Global Arctic Leadership Initiative-miit North Atlantic Regional Cooperationimut. Suleqataanissi Issittup pijuartitsiffiulluni ingerlalluarfiunissaanik takorluugarput piviusunngortissinnaalerpaa.

Workshoppi piviusunngorsinnaasimassanngikkaluarpoq Islandimi Nunanut Allanut Ministeeriaqarfimmit tapiisoqarsimanngitsuuppat, taamatullu Islandimi Canadap aallartitaqarfianit, AMF-imut ilaasortanit (Fairbanks, Luleå aamma Tromsø), aqutsisoq Dr. Allison Crawford-imit, Samerådet-imit, Capital Collective-mit aamma najukkami inuusuttunik tarnip nakorsaqarnikkut sullissivimmit Bergið Headspace-mit. Kikkunnut tamanut workshoppip iluatsinnissaanut peqataasunut qujanaq!

Aaqqissuisunit nalunaarutit

Arctic Mayors' Forum, Fulbright Arctic Initiative aamma Harvard Kennedy School Arctic Initiative suleqatigiillutik Arctic Circle Assembly 2025 sioqqullugu Issittup Avannaanit tamarmit inuusuttut 14-it katersuutsippaat siullermeerluni Arctic Youth Futures Workshoppeqarnissamut. Ullut marluk sinnerlugit oqaloqatigiinnerni, Dr. Allison Crawford Canadian Association of Mental Healthimeersumit aqutarineqartumi, peqataasut Issittumi sumiiffinni ataasiakkaani inuiaqatigiinni najugaqarfigisaminni ingerlalluarnissamut patajaallisannissamullu tunngatillugu nukittuffiit sanngiiffiillu pillugit ilumoorlutik oqaloqatigiipput, Issittumilu siunissami inuusuttuuneq pillugu takorluukkaminnik saqqummiussuillutik.

Apequtit uku aallaavigalugit: "Issittumi inuusuttut ingerlalluarnerat patajaallisarnerrallu 2050-imi qanoq iluseqassava?" aamma: "Tamanna anguniarlugu qanoq iliussaagut?" - peqataasut siunissami Issittumi inuusuttut ingerlalluarnissaat patajaatsuunissaallu pillugit allakkiorput. Allakkiami sammineqarput maanna aqutsisuusut siunissamilu aqutsisuusussat inuusuttut takorluugaat anguniarlugit ukiuni tulliuttuni 25-ni iliuseqarnissaannut kaammattuutit immikkuualuttukkaartut. Iliuseqarnissamut kaammattuutit taakku maanna aqutsisuusunuinnaq saaffiginningillat, aammali inuusuttunut tunaartassiaallutik, namminneq Issittumi aqutsisunngortunik isummersorfigisinnaasaattut.

Taama ingerlatsisoqarnerani inuusuttunut Issittumeersunut aaqqissuussisuusinnaaneq ataqqinaataavoq annertoq. Uagut aaqqissuisutut inuusuttut suliaminnut tunniusimanerannit, takorluuisinnaanerannik ilisimasaannillu isumassarsisitaavugut. Uagutsinnut ersarissilluinnarpoq, inuusuttunik politikimik ilusilersuisitseqataanissamut periarfissiineq, Issittumi unamminartut qaangerluarniarnissaannut naliitsumik sakkussaasoq.



Photo by Jesse Delgorsse, The Capital Collective. October 2025.

Asasavut Issittumi ullumi aqutsisuusut siunissamilu aqutsisuusussat,

Uagut inuttut aalajangiisarnermut tunngatillugu allanngorarfiup nalaaniippugut. Issittoq tassaavoq ataavartumik ataqatigiiffiusoq aamma sulit atorineqanngitsunik nukissamik sillimmaqarfiusoq. Ullumikkut aqutsisuusut eqqaamaneqaatigissavaat nunami maani innuttaasuminnik peqataatitsinermut naleqqiullugu qanoq alloriarsimanitik imaluunniit allorianngitsoorsimanitik.

Issittup siunissaa aqagu pilersinneqassanngilaq – ullumi pilersinneqassaaq.

Uagut inuusuttuuvugut 14-it Issittumi avannaarsuaneersut, oktober 2025-mi Islandimi Reykjavikkimi Arctic Futures Youth Workshoppimut peqataaniarlutik katersuuteqqasut, tamatumani inuusuttut 2050-imi ingerlalluarnissaannut patajaatsuunissaannullu tunngasut takorluukkarsaartiginiaarlugit. Upperivarput inuusuttut ingerlalluarnemat patajaallisarneqarnerallu periarfissanut, kulturikkut periarfissanut silaannaallu pissusaatigut illersugaanermut uagutsinnut periarfissiissutigineqartunut attuumassuteqartut.

Siunissaq tamanna anguniarlugu ataatsimoorluta misilittakkagut aallaavigalugit arlalinnik politikikkut inassuteqaasiorpugut.

Politikkimi aalajangiisarnernilu inuusuttut annertuumik peqataatinneqarnissaat

Takorloorparput 2050-imi Issittumi aqutsineq malunnaateqarluartumik allanngorsimassasoq, inuusuttut patajaallisarnissaat politikikkullu aqqissugaanermi peqataatinneqarnissaat qitiutinneqarluni. Siunissaq eqqarsaatigalugu sulissutigisariaqarparput, kinguaariinni inuusunnerusut Issittumi aqutsinermik aqqissuussinerni aalajangiisartunilu peqataaginnaratik aammali ataavartumik pisortatigoortumillu aqqissuussanik inissisimanissaat.

Aammattaaq inuusuttut ukiukikkallarnerninniilli annertuumik, atoruminartumik kulturimullu naapertuuttumik inuiaqatigiilerinermik ilinniartitaasariaqarput, politikikkut sulianut aqutsinermullu tangeqarluartumik peqataanissaannut tapersersuutaallunilu kaammattuutaasumik. Piginnaanngorsaanerit aqqutigalugit inuusuttut politikikkut ilusilersuinissamut pisariaqartunik ilisimasaqalersinneqartariaqarput pisariaqartunillu nukissatigut sillimmaserneqarlutik.

Issittumi nunap inoqqaavisa ilisimasaat sumiiffinnilu ataasiakkaani ilisimasat ingerlalluartut

2050-imi inuusuttut avatangiiseqassapput ilisimasat kikkunilluunniit pissarsiarineqarfigisinnaasaannik inuiaqatigiillu assigiinngisitaartuunerannik ersersitsiffiusunik. Atuarfinniit naalakkersuisunut aalajangiisoqartariaqarpoq inuusuttut ilisimasallit peqataatinnerisigut. Inuusuttut namminneq piumasaqaatitik aallaavigalugit kulturimik siammarterinissaminnut, illersuinissaminnut ataqqinninnissaminnullu periarfissaat patajaallisarniaarlugit aningaasaliisoqartariaqarpoq.

Inuusuttut ingerlalluarnissaannut aammattaaq pingaaruteqarput najugaqatit, tikeraat suliffeqarfiillu nunap inoqqaavi pillugit ilisimasaqarlutillu ataqqinnittut. Tamatumani pisariaqarpoq nunap immikkoortuani oqaluttuarisaaneq, kulturi pingaartitallu pillugit tamatigoortumik eqqortumillu ilinniartitsinissaq. Inuusuttut kulturiminnit avisaartitaasimasut tapersersorniarlugit, attaveqaqqilernissaat siunertaralugu ilinniartitsinerit pilersittariaqarput, inuusuttut siuaasaasa ilisimasaannik sorlaqarfimminillu pilersitseqqinnissaat qitiutillugu.

Attaveqaateqarneq Issittumi inuusuttunik Issittumilu inuiaqatigiinnik tapersersuisoq

2050-imi inuttut tunngaviusumik pisariaqartitaat, soorlu ineqarneq nerisassaqaarnissamillu qulakkeerinnineq, piviusunngortittariaqarput, inuusuttunut Issittumilu inuiaqatigiinni inuuffigisaanni attaveqaateqarneq aqqutigalugu. Inuusuttut akikitsunik amerlanerusunik inissaqartinneqartariaqarput, aamma Issittumi tamarmi inunnut tamanut naapertuilluartumik, akikitsunik pissarsiariuminartunillu nerisassaqaartitsinissaq qularnaarniarlugu iliuuseqartoqartariaqarpoq.

Aammattaaq Issittumi inuusuttut suleqatigalugit inuttut ataatsimooqatigiiffinnik pilersitsisoqartariaqarpoq, isumaqarluarnerusumik inuunissaq takorluukkattalu piviusunngortinnissaannut isummersuinissaq siunertaralugit. Taamatut periarfissiisoqarneratigut pilersinneqassapput ataatsimooqatigiiffiit attaveqatigiinnerillu, piviusorpalaarlutillu ornikkuminartut. Tamatuma inooqatigiinnerput patajaallisassavaa tarnikkullu peqqissuserput ikorfartorlugu. Init ataatsimooqatigiittarfiit nammineerluni aqutsinissamut pilersarusioriigaanngikkaluaniillu sammisaqaarnissamut inissaqartitsisariaqarput (soorlu mekanikkimut sulliviit, eqqumiitsuliorfiit timersuutinillu ingerlatsiffiit).

Avatangiisinut silaannaallu allanngoriartorneranut tunngatillugu pissutsit

2050-imi Issittumi Siunnersuisoqartigiit nunarsuarmioqatigiit siuttuuffigisariaqarpaat, nungusaataanngitsumik ingerlatsineq pillugu qangaaniilli ilisimasat Issittup nunataani imartaanilu avatangiisit pillugit inatsisitigut isumaqatigiissutitut ilanngunneqaarnissaat siunertaralugu. Naalagaaffiit Peqatigiit Nunap Inoqqaavi pillugit Nalunaarutaat (UNDRIP) isumaqatigiissutitut taamaattunut tunngaviusariaqarput, aamma Issittumi naalagaaffiit Qilersorneqaanngitsumik, Sioqqutsisumik, Paasinnilluni Akuersineq (FPIC) inatsisinngortittariaqarpaat.

Sumiiffinni ataasiakkaani Issittumi inuiaqatigiit imminnut pilersortut aningaasaqarnikkut periarfissat imminnut napatissinnaasut inerisarlugillu siuttuuffigisariaqarpaat, pisortat namminersortullu suleqatigalugit. Aningaasaqarnikkut inooqatigiissutsikkullu suliniutit aallarnisartariaqarput, Issittumi inuusuttut suliffissuarnik teknologiinillu nutaanik inerisaanissaannik tapersersorniarlugit, assersuutigalugu Issittoq akimorlugu aningaasaateqarfimmik nutaaliortutik aallarnisaasunik tapersiisartussamik pilersitsinikkut. Issittumi inuusuttut aningaasaqarnerup imaanit imermillu aallaaveqartup inerisarnissaanut peqataanissaminnut periarfissinneqartariaqarput, sumiiffinni ataasiakkaani inuiaqatigiinni tatitussuseq ingerlalluarnissarlu qularnaarniarlugit.

Inuusuttut kulturimut naapertuuttunik tarnikkut peqqissusaannik tapersiineq

202050-imi kikkut tamarmik piffissaq eqqorlugu, eqqortumik, naapertuuttumik kulturimillu tunngaveqartumik tarnikkut peqqissarneqarsinnaassapput, qangaaniilli ileqqunik periutsinillu ilaatitsisumik. Sullissinerit tamakku ataqqisariaqarpaat inuit ataasiakkaat arlariinnik kinaassuseqassusiat, tamatumunnga ilanngullugit nagguigisaat, eqqarsartaatsikkut assigiinngissusaat, suaassutsikkut kinguaassiuutinilu atuinnikkut kinaassusaat, inuiaqatigiinnillu sullissanit taakkualu kulturiannit aallaaveqarluni.

Tulliullugu atuariit tamarmik peqqissutsimik isumaginnittussamik atorfinitsisariaqarput (assersuutigalugu isumaginninnermi siunnersortimik, tarnip pissusiinik ilisimasalimmik allatulluunniit suliaqartumik), sumiiffinnit ataasiakkaanit aallaaveqartumik, kulturimik ilisimasalimmik aamma nammineq orniguttarluni pitsaaliuinissamik ataavartumillu isumaginninnissaminik qitiutitsisumik. Aammattaaq tarnikkut peqqissutsimik ilinniartitsineq ilinniartitaanermik aaqqissuussinermut tamarmut ilaatittariaqarpoq, ilinniagassanut pingaaruteqartumik ilaatinneqarluni inuiaqatigiillu ataasiakkaat pisariaqartitaannut naleqqussakkamik ilusiligaalluni.

Teknologiip tangeqarluartumik isumannaatsumillu ilaatinnissaa

2050-imi digitalimik kateriffikkoortumik Issittummi inuusuttut neqeroorfigineqarsinnaasariaqarput pisortatigoortumik akuerisaasunik ilinniarnissaminnut, kulturikkut ilisimasaqalernissaminnut pisinnaasaminnullu siammarterinissaminnut. Tamatumani siunertaapput Issittumi inuiaqatigiinnit kingornussatta annertoqisut pigiinnarnissaat aamma inuusuttut ilinniagaqarnissamut periarfissaqarnikkut naligiinngissusaasa annikillissarnissaat.

Aammattaaq teknologii atorineqartariaqarpoq inuusuttut aamma aalajangiisartut imminnut attaveqatigiittarnerisa siuarsarnissaannut, tassuunakkut inuusuttut isiginneriaasii politikkikkut aalajangiinernut ilaatinneqarsinnaasaqqullugit. Teknologiip inooqatigiissutsikkut attaveqaatit ingerlalluarnissarlu tapersersussavai, kisianni tarnikkut peqqissutsimik illersuisussamik isumannaqqusersugaalluni.

Peqataaffiginngisatsinnik sammisaqartoqassanngilaq

Inuusuttut Issittormiunik imminnut taajumasut 14-iulluta kaammattuutigaarput inuusuttut patajaallisarneqarnissaannut aningaasaliisoqarnissaa aamma piviusutut misigisatta pingaartinneqarlutik aalajangiinernut ilaatinneqartarnissaat. Inassuteqaatit uku qulakkiissavaat Issittup maanna siunissamilu ineriartorfiulluarnissaa.

Tapersersuinissarsi maanna ilimagivarput, inuusuttut Issittumi ingerlalluarnissaminnut patajaallisarneqarsinnaaqqullugit. Inassuteqaatit taakku piviusunngortinnerisigut qularnaarsinnaavarput Issittoq nukittoq, akiuussinnaassusilik inuusuttullu siumukarnerannut attuumassuteqarluartoq.

Atsiortut:



Arctic Youth Futures Workshop tulluusimaarutigalugu
ukunangga aaqqissuunneqarpoq:



Arctic
Mayors'
Forum



HARVARD Kennedy School

BELFER CENTER

for Science and International Affairs

A team of 5 Scholars within
the 2024-2026 cohort of the



HEART LAB 
ART RESEARCH. TECHNOLOGY.



In partnership with

Canada

and with support from



NORA

This document was translated by the Standing
Committee of Arctic Parliamentarians.

* Fulbright-imit aningaasaliiffigineqarlutik ilinniartut Fulbright Arctic Initiative-mit tapersersorneqarnertik akuersaarlugu qujassutigaa, tassuunakkut suleqatigiinneq workshoppertitsoqarnermik matumunnga kingunegartoq piviusunngorsinnaalermat. Workshoppernermit isummersuutit kingusinnerusukku, tamanut saqqummiunneqartut, peqataasut namminneg isummersuutigaa, tassaasariaqaratik Fulbright-ip suliniutaata imaluunniit USA-mi naalakkersuisut pisortatigoortumik isummerner.